

„დინამო“ (თბილისი) - „არარატი“ (ერევანი) 1:2 (0:2).

თბილისი. ვ. ი. ლენინის სახელობის „დინამოს“ სტადიონი. 18 აპრილი

„დინამო“: გაბელია, კეტაშვილი, თევზაძე, ჭედია (მესხი, 29), არზიანი, რევიშვილი, სვანაძე, სულაქველიძე, კორღალიძე (გ. ჯიშკარიანი, 70), გურული, ფანცულაია.

„არარატი“: პოდშივალოვი, კირაკოსიანი, სარქისიანი, ხაჩატრიანი, აივაზიანი, ვერანიანი (66), ენგობარიანი (აკოპიანი, 46), კამალიანი, ხაშმანიანი, ქოჩარიანი, მელქონიანი, გალუსტიანი, მელიქიანი.

მსაჯი ა. სპირინი (მოსკოვი).

გაათრთხილეს სარქისიანი, ხაშმანიანი.

თბილისის „დინამოსა“ და ერევნის „არარატის“ შეხვედრათა ტრადიციულ პრინციპულობაზე მრავალჯერ ითქვა და დაინერა. ჯერ არ ყოფილა ამ ორი გუნდის საკავშირო ჩემპიონატის მატჩი, რომ რომ აკლდეს ემოციურობა ან უკიდურესი დაძაბულობა და, თუმცა, ძველ მეტოქეთა ხშირად ისეთი, ერთი შეხედვით აბსურდული, „გაუგებარი“ ანგარიშები, როგორცაა 5:0 და 0:4, 7:4 და 1:5, მაგრამ ეს შეუსაბამოებანი მთავარ არსს არ ცვლის: თბილისელები დებულობენ თავიანთ მინდორზე ერევნელებს, თუ „არარატი“ მასპინძელი, სულ ერთია, ბრძოლა უშელავათოდ, მწვავედ და მძაფრად მიმდინარეობს.

გამონაკლისს, რა თქმა უნდა, არც ახლანდელი მატჩი წარმოადგენდა. მის შედეგს ორივე გუნდისათვის დიდი მნიშვნელობა ჰქონდა. ახლა როცა ჯერ კიდევ საკავშირო ჩემპიონატის დასაწყისია და გათამაშების თავისებური ფორმირება ხდება, თითოეული მატჩის შედეგი ფრიად მნიშვნელოვანია. ახლანდელ დანაკარგს შემდგომში, ყოველ გუნდს, რომ დადებითი თუ უარყოფითი პერსპექტივები გამოეკვეთება, ძნელად თუ აინაზღაურებ.

მატჩი წავაგეთ, მართალია, ჩვენი ერთერთი საუკეთესო არბიტრის ა. სპირინის მისამართით კონკრეტულ პრეტენზიებს ვერ გამოვთქვამთ, თუმცა, მან რომ თავისი რანგისა და კვალიფიკაციის შესაფერისად ვერ უხელმძღვანელა თამაშს, ეს ცხადია: იყო ცალკეული შეცდომები, გაუგებარი ლაფსუსები. მაგრამ ჩვენი წაგება რომ მსაჯს დავაბრალოთ, ჯერ ერთი, ეს სწორი არ იქნება, მეორეც – ეს დათვურ სამსახურს გაუნწევს პირველ ყოვლისა ჩვენს გუნდს და, მერე, მის ქომაგებსაც. წავაგეთ იმიტომ, რომ „არარატმა“ უკეთ და სწორად ითამაშა, ვიდრე „დინამომ“! მეტოქე გაცილებით უფრო მობილიზებული, მიზანსწრაფული და ორგანიზებული იყო. წავაგეთ იმიტომ, რომ არასწორად იყო დაკომპლექტებული შემადგენლობა, გაუგებარი დარჩა მოთამაშეთა შეცვლის მიზგზიც და მიზანიც.

კვლავ გვინდა ხაზი გავუსვათ იმ სავალალო სინამდვილეს, რომ თბილისის „დინამო“, როგორც წესი, თამაშის პირველ ნახევარს გაცილებით უფრო სუსტად ატარებს, ვიდრე ეს მას შეუძლია და მხოლოდ მეორე ტაიმში გამოჩენილი ენერჯია და მონდომება საქმეს ყოველთვის ვერ შველის. ახლა, პირველი 45 წუთის განმავლობაში

თბილისელებმა ვერაფრით ვერ მიაგნეს თავის თამაშს, ხშირი იყო შეცდომები დაცვაში, ნახევარდაცვის რგოლი როგორღაც „თავისთვის“, იზოლირებულად მოქმედებდა, რეალურ დახმარებას ვერ უწევდა მცველებს და ვერც თავდამსხმელებს ეხმარებოდა რიგიანად, ამასთან ჩვენს ნახევარმცველებს საოცრად უზუსტო პასი აქვთ. რამდენიმე ნაბიჯზე მყოფ უახლოეს მეტოქესთან ისინი, ასე თუ ისე, ახერხებენ კომბინაციური კონტაქტების დამყარებას, მაგრამ საკმარისია საქმე მიდგეს შორეულ გადაცემაზე, რომ აქ ბურთი აშკარად უმისამართოდ იგზავნება და მეტოქეებისათვის იგი გაცილებით უფრო იოლი მისაღებია, ვიდრე პარტნიორებისათვის. მართალია „არარატის“ კართან რამდენიმე სახითათო მომენტი შეიქმნა, მაგრამ მათი რეალიზება არ მოხერხდა არაფრით, „დინამოს“ ფორვარდები მკაცრი პრესინგის ვითარებაში სისტემატურად აგებდნენ ბრძოლას მცველებთან. თამაში რამდენადმე გამოაცოცხლა შეცვლაზე შემოსულმა მესხმა, იგი საკმაოდ იოლად სძლევდა მეტოქის მცველებს ინდივიდუალური ბრძოლისას, მაგრამ საბოლოო გადაცემები კარის წინ მეტად არაზუსტი იყო. მარცხენა ფლანგიდან მიწოდებულ ბურთებს, უმეტესად, ერევნელთა მცველები იგერიებდნენ.

მონდომებასა და თავგამოდებაზე ამჯერად არ ვლაპარაკობთ. თბილისის „დინამოს“ რიგებში ამ დღეს არ იყო არცერთი ფეხბურთელი, რომელსაც შეგვიძლია დავაყვდროთ ინერტულობა და სიზარმაცე, მაგრამ თუ ვილაპარაკებთ სპორტული ოსტატობის დონეზე, აქ აშკარა ჩავარდნა გვაქვს. თბილისელ ფეხბურთელთა უმრავლესობას რატომღაც ჰგონია, რომ ტექნიკა ეს არის ბურთის გაუთავებელი ტარება და დრიბლინგი. ამას ისინი საკმარისზე მეტ ხარკს უხდიან, მაგრამ თუ ვილაპარაკებთ თამაშის ორგანიზაციაზე, კოლექტიურ ტაქტიკურ ოსტატობაზე და ჩაფიქრებულ კომბინაციათა განხორციელებაზე, აქ აშკარად ჩამოვრჩებით. სრულიად მარტივ ვითარებაში, როცა ერთ შორეულ გადაცემას შეუძლია გადაწყვიტოს ამა თუ იმ ტაქტიკური ჩანაფიქრის ბედი, ზოგიერთი დინამოელი ერთთავად იმას ლამობს საკუთრივ გაირბინოს ეს მანძილი და იქ მიიტანოს ბურთი, სადაც საამისოდ სრულიად საკმარისი იყო სწრაფი, ზუსტი, ჭკვიანური პასის გაკეთება. ასეთ ინდივიდუალურ მანევრებს დროც ბევრი სჭირდება, შრომაც და ენერჯიაც ეფექტი კი თითქმის არ არის. მეტოქე მუდამ ასწრებს კონტრზომების მიღებას.

აღნიშნულ მატჩში „არარატს“ ჰყავდა ორი აშკარად გამოკვეთილი თამაშის ორგანიზატორი, ლიდერი, რომელთა უნარიანმა მოქმედებამ არსებითად განაპირობა კიდევ გუნდის წარმატება. ეს ლიდერები იყვნენ სარქისიანი (N3) და კირაკოსიანი (N2). დაცვაშიც და ნახევარდაცვაშიც ისინი თითქმის უშეცდომოდ, აქტიურად მოქმედებდნენ, სწორედ მათი ტექნიკური და ტაქტიკური ოსტატობის წყალობით შეძლო სტუმართა გუნდმა თამაშის სწორად წარმართვა.

ასეთი ლიდერები და ორგანიზატორები დინამოელებს არ არ ჰყავდათ. მართალია ბევრი იშრომეს სულაქველიძემ და თევზაძემ, მაგრამ მათი ორგანიზებულობა, შემაკავშირებელი როლი ნაკლებად იგრძნობოდა. საერთოდ, დინამოელთა თამაში ამ დღეს იმპულსური და ფეთქებადი უფრო იყო, ვიდრე რიგიანად მოფიქრებული, აწყობილი და დაგეგმილი ტაქტიკური ბრძოლა.

პირველი ბურთი „არარატმა“ 23-ე წუთზე გაიტანა სწრაფად მოფიქრებული კონტრშეტევის შედეგად. მინდვრის სიღრმიდან მოწოდებულ შორეულ გადაცემაზე სწრაფად გავიდა კირაკოსიანი, ჭვლია ჩამორჩა და ვერ დაენია მეტოქეს,

კირაკოსიანმაც ზუსტი დარტყმით გაგზავნა ბურთი ბადეში. ვიმეორებთ, ეს დინამოელთა უხეში ტაქტიკური შეცდომის შედეგი იყო.

მეორე გოლი ჩვენი მეკარის ტექნიკური შეცდომის შედეგია. მიმდინარეობდა 41-ე წუთი, როცა აივაზიანმა შორი მანძილიდან, დაახლოებით 25 მეტრიდან, დაარტყა კარში. გაბელიამ აიღო ბურთი, მაგრამ ხელიდან გაუშვა და მელიქიანმა ყველაზე ადრე მოისაზრა, როგორ უნდა ემოქმედა. 0:2 პირველი ტაიმის შემდეგ სერიოზული ფორაა დანინაურებული გუნდისთვის, მაგრამ, უნდა ითქვას, რომ დინამოელებმა შესვენების შემდეგ მთელი ძალით იბრძოლეს მდგომარეობის შესაცვლელად, მათ არ შეუწყვეტი იერიშები, თუმცა დასჯერდნენ გურულის მიერ 47-ე წუთზე 11-მეტრიანი დარტყმით გატანილ ერთადერთ გატანილ საპასუხო გოლს. აქ კვლავ და კვლავ გვიხდება იმაზე საუბარი, რომ ორი საფეხბურთო ტაიმის ამგვარ განაწილება, ე. ი. აშკარად ცუდად ნაგვიანევი კარგი თამაში მხოლოდ ზიანს მოუტანს ჩვენს გუნდს. აღსაწერადაც ძნელია თუ რამდენი სახიფათო მომენტი შეიქმნა „არარატის“ კართან, დროდადრო „დინამო“ მთელი შემადგენლობით მოპირდაპირე საჯარიმოსთან იყო დასახლებული, მაგრამ შედეგი ამას არ მოჰყოლია. საგოლე პოზიციაში ჩვენი ფეხბურთელები ნაჩქარევად მოქმედებდნენ, დროზე ვერ იხსნებოდნენ, ჯგუფურად იყრიდნენ თავს, და არსებითად კარის დაცვას უადვილებდნენ სტუმრებს. მატჩის დასასრულამდე სულ გვექონდა იმის იმედი, რომ დინამოელები თუნდაც საპასუხო ბურთს გაიტანდნენ, მაგრამ „არარატი“ გადაურჩა ამ ხმირ იერიშებს. მთელმა გუნდმა და განსაკუთრებით მეკარე პოდშივალოვმა შეძლეს ყველა ხიფათის უვნებელყოფა.

ლაპარაკი „არარატის“ გამარჯვების კანონზომიერებაზე ზედმეტად მიგვაჩნია: ერევნელებმა, გარდა იმისა რომ მონდომებით ითამაშეს, საკმარისო ოსტატობა გამოავლინეს. თბილისის „დინამოს“ ფეხბურთელთა თამაშში კი ამჯერად მონდომება, ზედმეტი ფუსფუსი უფრო მეტი იყო, ვიდრე ოსტატობა და სწორი თამაშის ორგანიზაცია. ამიტომაც დავმარცხდით.

ახლა თბილისის „დინამო“ კვლავ ძნელი ამოცანის წინაშე იმყოფება: 24 აპრილს ჩვენი გუნდი ბაქოში ეთამაშება „ნეფთჩის“. ბაქოელები კი ახლა ბოლო ადგილზე იმყოფებიან და საკუთარ მინდორზე ყოველნაირად შეეცდებიან დაკარგული პოზიციების აღდგენას. ამიტომაც თბილისის დინამოელებს „ნეფთჩისთან“ გაათკეცებული ძალით მართებთ ბრძოლა.

„ლელოს“ ფეხბურთის განყოფილება

### ინტერვიუ მატჩის შემდეგ

გერმან ზონინი. თბილისის „დინამოს“ მთავარი მწვრთნელი: რა თქმა უნდა, ჩვენმა გუნდმა თავის შესაძლებლობებზე სუსტად ჩაატარა მატჩი. ფეხბურთი ორი ტაიმისგან შედგება, დინამოელებმა კი ეს რატომღაც დაივიწყეს. პირველი და მეორე ნახევარი რადიკალურად განსხვავდებოდა ერთმანეთისაგან. თბილისელები არც ფიზიკური, არც ტექნიკური მომზადებით არავის ჩამოუვარდებიან, გუნდმა კი უკვე მეექვსე ტურია თავისი თამაში ვერა და ვერ იპოვა. სწორედ ეს არის საოცარი და გასაკვირი.

არკადი ანდრიასიანი. ერევნის „არარატის“ მთავარი მწვრთნელი: თბილისელებთან თამაში ერევნელთათვის ყოველთვის ძალების უკიდურესი დაძაბვით მიმდინარეობს. ჩვენი გუნდი, როგორც ჩანს, უფრო მომზადებული შეხვდა ჩვენთვისაც ურთულეს მატჩს. „არარატის“ ფეხბურთელებს თბილისში 1971 წლიდან არ მოუგია და ეს ახლა, ჩვიდმეტი წლის შემდეგ შეძლო. გამარჯვებაში ყველას თანაბრად მიუძღვის წვლილი, ამიტომაც ცალკეულ ფეხბურთელებს არ გამოვყოფ. რაც შეეხება თბილისის დინამოელებს, მჯერა, რომ გუნდი მალე უძლიერესთა რიგებში ჩადგება. ამის გარანტიას იძლევა ის ნიჭიერი ახალგაზრდა თაობა, რომელიც დღეს გუნდშია.

ლელი 20.04.88